



Te mê cjamare al è un strani lampadari: une sfere fate cul spali.  
Te sprolungie che e ven jù dal sufit al è un toc di nastri adesîf blanc. Mi ricuarde me pari.  
Me pari al lavorave prime che i vignîs il mâl brut.  
O vin sblancjât la cjase insiemit.  
Cumò nol po fâ nie: paralyzât... al à bisugne di dut.  
No ai voie di viodilu cussì.  
O ai voie di ricuardâlu cuant che al jere plen di vite.  
Lu ai perdonât par chê volte che mi veve tirât une çavate in muse e mi veve fat sanganâ.  
Lui ai perdonât par dutis lis voltis che mi à umiliât disint che o stavi cjase sierât a pierdi  
timp invezit di lâ ator cui amîs. Amîs? Bulos ignorants che a spacavin i cartei stradâi e che  
cuant che si zirave cui motorins ti lassavin simpri indaûr.  
Lu ai ancje perdonât par chê volte che mi veve dât un fuart pugn tal braç.  
Il so respîr si sint par dute la cjase.  
Aromai al mancje pôc.  
Sì. Mi vegnin ogni tant dai istints di autodistruzion ma dopo o pensi simpri a lui e mal

imagjini.

Mi dîs: “Tu âs ancjemò tantis storiis di contâ... cjalâ il cîl, l’orizont celest intun dì seren e ancjemò une volte insumiâti.”

Te mê cjamare al è un strani lampadari. Une sfere fate cul spali.

Il nastri blanc mi ricuarde me pari.

Chê dì che mal à metût sù si e taiade la man cu lis fuarpis.

Al sanganave.

**di Checo Tam**

**#921**